



Šemsudin Mehmedović

Organizaciona jedinica	Klasifikaciona oznaka	Redni broj	Broj priloga
01/50-1-15-22		05.07.2021	370

Broj: 01-07 /21  
Sarajevo: 05.07. 2021. godine  
n/r Borjana Krišto, predsjedavajuća

Na osnovu čl.170 Poslovnika ZD PS BiH, a u skladu sa Zahtjevom UG Han Ploča, Broj: 39-06/21 od 24.06.2021.godine, postavljam:

**Zastupničko pitanje Tužilaštvu BiH:**

**Da li se odustalo od provođenja istrage po pitanju traženja odgovornih za zločin nad 78 civila iz mjesta Han Ploča, općina Kiseljak, ako jeste, zašto? Ako se nije odustalo zbog čega je zastoj u istrazi jer se i prema Inoviranoj strategiji za procesuiranje RZ ovo svrstava u prioritete..**

**OBRAZLOŽENJE**

Opština Kiseljak - Mjesno područje Han Ploča

U naselju Han Ploča koje obuhvata mjesta Grahovce, Han Ploču, Tulicu i Radanoviće počinjen je zločin velikih razmjera u periodu od 12 do 16 juna 1993. Tada je jedinica za posebne namjene „Maturice“ u sastavu brigade „Josip Ban Jelačić“ pri III operativnoj zoni HVO-a Kiseljak ubila i izmasakrirala 78 civila, Bošnjaka, koji su bili zarobljenici, civili, a među njima je bio mjesni imam (vjersko lice - civil) Omer ef. Drkić i na kraju da bi sakrila zločin tijela su zapalili u garaži Ahmeda Duharkića – procjenjuje se da je bilo 20 u garaži – jer iz garaže nema svjedoka, a zatim uklonili na nepoznatu lokaciju. Do dana današnjeg nije pronađeno 38 tijela i nije pronađen Omer ef.

Za ovaj zločin do sada je jedino odgovarao pred Sudom BiH pripadnik „Maturica“ Miroslav Anić Firga. On je priznao krivicu i napravio sporazum sa Tužilaštvom da će svjedočiti protiv ostalih koji su učestvovali u ovome zločinu i u zločinu u Stupnom Dolu i za ove zločine je osuđen na 15 godina zatvora.

Nakon ove presude koja je izrečena 31.05.2011. godine Tužilaštvo nije više nikoga procesuiralo od imena koja se spominju u presudi iz sastava jedinice „Maturica“ kao i onih koji su odgovorni po komandnoj odgovornosti iz HVO-a. Nisu nikakvu informaciju poslali porodicama o procesuiranju zločinaca i traženju nestalih 38 tijela. Nije urađena nikakva istraga(nemamo informaciju) po pitanju traženja nestalih tijela. A prema saznanjima bila je organizovana ekipa za uklanjanje tijela, a to su:

- Predstavnici civilne zaštite
- Predstavnici civilne policije – krim policija
- Predstavnici vojne bezbjednosti
- Sudija općinskog suda u Kiseljaku Anđelko Marijanović
- Tužilac općinskog suda Kiseljak Budimir Komljenović
- dr. Pero Lovrić, doktor Doma zdravlja Kiseljak - preminuo

Očekujemo dvije stvari od Tužilaštva, a to su:

- da se procesuiraju imena iz Predmeta br. S1 1 K 005596 11 Kro
- da se dostave informacije o mjestima gdje su sakrivena tijela 38 ubijenih civila Bošnjaka iz mjesta Han Ploča.

Šemsudin Mehmedović, zastupnik PS BiH